



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicis & Festa per annum**

Bernardus <Claraevallensis>

Præfatio ad Lectorem.

urn:nbn:de:hbz:466:1-39254

Præfatio ad Lectorem.

OMnia Divi BERNARDI Opera, Amice Lector, congestit in unum corpus admodum Reverendus Dominus Jacobus Merloni Horstius Sacræ Theologiæ Licentiatus, vir omni veneratione vel obinde dignus, quod magno molimine, ac improbo labore cuncta melliflui Doctoris scripta (quæ hæctenus quidem sæpè typis excusa, innumeris tamen erroribus referta, ac penè sine ordine perquam confusa, velut rudis, indigestaque moles in lucem prodierunt) in meliorem formam, & aptiorem ordinem redegerit, à mendis expurgaverit, adulterina à veris, aliena à propriis, spuria à genuinis segregaverit, & quæ Bernardi stylum non sapiebant, nec eius olebant ingenium, succiderit restitueritque Authorem pristinae puritatis suæ, quæ talem, ac tantum Doctorem decebat. Cessit Horstio ad votum feliciter intentio; cessit & Divi Bernardi amatoribus ad solatium eiusdem editio, quam nemo non laudat, qui illam participat, nemo non commendat, qui illam manibus terit, & versat.

Verumtamen quia opus grande est, pluribus voluminibus dispartitum; non omnibus præsto sunt sumptus tantæ molis comparandæ; neque cuilibet datum est, omnibus voluminibus animum impendere, maximè parochis & sacerdotibus, qui ruri sunt, quibus ob quotidianas tum rei sacræ, cum domesticæ occupationes tempus non vacat ex epistolaribus Divi Bernardi congressibus, Canticorum abstrusis explanationibus, aut aliis tam mysticis, cum asceticis discursibus primùm novas pro diebus festis, & dominicis magno studio ac labore conciones eruere, ac currenti per singulas vices Evangelio adaptare. Taceo etiam regularibus domi degentibus, qui tanti Doctoris piâ lectione plurimùm afficiuntur, tantorum mole voluminum non satis esse consultum, cum singuli singula, in numerofo conventu habere

non possint. Eâ de causa multi, quibus nec tempus studendi, nec sumptus coemendi omnia opera suppetunt, solos sermones eiusdem Melliflui Doctoris, in Festa ac Dominicas, aliaque anni tempora jam accommodatos, & ordinario Præconi hebdomatim è suggestu declamanti peropportunos, à tantâ mole seorsim excusos videre cupiebant.

Subiit obinde animum pia pariter ac sancta cogitatio, me non solum DEO, Divoque Bernardo, sed etiam iis, qui crumenæ vacuitatem causant, vel brevitatem temporis ad studendum accusant, aut penuriam, & paucitatem omnium voluminum simul conqueruntur, facturum opus pergratum, si sancti Doctoris Sermones, alioqui millenis typis dignissimos, à cæteris voluminibus segregatos, seorsim in lucem emitterem, & tam illorum tenuitati, quàm horum, aliorumque commoditati consulerem. Subiit, inquam, animum hæc pia cogitatio; invitavit ad typum multorum persuasio; evicit tandem animi præcordia tenerima in mellifluum Doctorem devotio.

Exhibeo itaque tibi, amice Lector, sub novo typo novos favos, novos sermones; non quidem eatenus novos, quasi ab Api argumentosa D. BERNARDO primùm confectos, atque ex alveario suo depromptos; suapte enim naturâ perantiqui sunt, & Authori suo coævi; sed quia tui gratia novum typum induunt, novam lucem aspiciunt, novamque tibi studendi commoditatem afferunt, non dedignaberis favos hos alioqui antiquos, sub nova tamen hæc typi forma tibi porrectos, gratanter accipere, frequenter libare, ac in tui, tuorumque auditorum utilitatem fructuosè convertere. Si qui fuerint, ut mihi persuadeo, qui reliquos ingenii fætus tanti Doctoris sub pari formula, quâ præsentem tibi exhibeo Sermones, ad tui maiorem commoditatem in lucem emiserint, DEO gratias rependito, & tam pro me, quàm pro illis divinam clementiam exorato.

FACUL-